

若種若現俱通三種。八地以去現二種三。無功用道。違加行故。所有進趣。皆用後得。無漏觀中任運趣故。究竟位中現種俱二。加行現種俱已捨故。

判三慧種現于諸位。俾知所辨也。資加二位具三慧種者。以具法爾無漏種故。現慧唯加行者。以未證真如。無本後二智之現行故。通達位中。現行唯二慧者。以初見道十五心中。乍證真如。其時促故。無有加慧現行也。修習位中。從見道第十六心。至七地已前。漏無漏雜。斷惑證果有加行故。種現俱通三種慧也。八地已去。無功用道。不假加行。以修

進違加行故。所有進趣。皆用後得。作無漏觀。任運趣進。入餘位矣。故無加行現慧。唯二現也。究竟位中。金剛道後。解脫道中。加行現種俱已捨故。種現唯根本後得也。若總其要。是資加二位三種具現。行唯有加行慧。通達八地已上同。二具三種加現空。七地已前修習異。三種三現俱不去。究竟根後種現全。加慧種現俱無與。以上雖分四科。總之皆三學之相也。

○五明相攝

若自性攝戒。唯攝戒。定攝靜慮。慧攝後五。若并助伴。

皆具相攝。若隨用攝。戒攝前三。資糧自體。眷屬性故。定攝靜慮。慧攝後五。精進三攝。徧策三故。若隨顯攝。戒攝前四。前三如前。及守護故。定攝靜慮。慧攝後五。正以四法明相攝也。一自性。二助伴。三隨用。四隨顯。自性者。如戒以防非等爲自性。定以離散等爲自性。慧以照察等爲自性。各約當體言也。助伴者。對正主言。如戒爲正主。餘皆助伴。乃至慧爲正主。餘亦助伴。凡舉一法。收一切也。隨用者。用謂業用。隨體起故。隨顯者。顯卽顯現。義現前故。若自性攝。戒唯攝戒。定唯攝定。慧攝後五。不出自體之外也。

若并助伴。此三學與十行。一一皆相攝。曰具攝。若隨用攝。戒攝前三。以戒卽自體。施卽戒之資糧。忍卽戒之眷屬性故。定攝靜慮。慧攝後五。精進三攝。徧策三故。若隨顯攝。戒攝前四。前三如前。及攝精進。以守護戒。能防非。令清淨故。定攝靜慮。慧攝後五。

○五五位具修門

此十位者。五位皆具修習位中。其相最顯。然初二位。頓悟菩薩。種通二種。現唯有漏。漸悟菩薩。若種若現。俱通二種。已得生空。無漏觀故。通達位中。種通二種。

現唯無漏。于修習位七地已前。種現俱通。有漏無漏。八地以去。種通二種。現唯無漏。究竟位中。若現若種。俱唯無漏。

明十行種現于五位中。漏與無漏各不同也。五位皆具十行。修位相最顯者。如初地施最增上。乃至十地智最增上。是也。資加二位。頓悟菩薩。種通二種。現唯有漏者。以一類菩薩。于前二位。二障種現。俱未伏滅。直至初地。頓斷分別二障種現。名爲頓悟。故于初二位中。所修勝行。若種若現。俱唯有漏。然種亦通無漏者。此指法爾無漏種言也。漸悟菩

薩。種現俱通二種。已得生空無漏觀。故者。謂地前已伏分別煩惱。現行。與生空所俱十行。通無漏故。然于俱生現行煩惱。猶未永伏。是故亦通有漏攝也。通達位中。種通二種。現唯無漏者。已斷分別二障種故。修習位中。七地已前。種現俱通。有漏無漏者。以生法二空。有出有沒。所修勝行。應通二故。八地以去。種通二種。現唯無漏者。以生空智果。純無漏故。究竟俱唯無漏者。有漏種現。已永盡故。

○六因位名異門

此十因位。有三種名。一名波羅蜜多。謂初無數劫。爾

時施等勢力尚微。被煩惱伏。未能伏彼。由斯煩惱不覺現行。二名近波羅蜜多。謂第二無數劫。爾時施等勢力漸增。非煩惱伏。而能伏彼。由斯煩惱故意方行。三名大波羅蜜多。謂第三無數劫。爾時施等勢力轉增。能畢竟伏一切煩惱。由斯煩惱永不現行。猶有所知微細現種。及煩惱種。故未究竟。

明十行因位異名。俾識所行也。十行三名。在文易曉。分之名波羅蜜多。正當資加二位。以尚未見道。依解修行。但有到彼岸之名字而已。近波羅蜜。正當通達修習七地已前。雖漏無漏雜。與大彼岸不

遠。故名近也。大波羅蜜。正當八地至十地中。純是無漏名大。猶未究竟者。以有所知微細現種。及煩惱種。故未究竟。

○二結示

此十義類。差別無邊。恐厭繁文。畧示綱要。十于十地。雖十皆修。而隨相增。地地修一。雖十地行。有無量門。而皆攝在十到彼岸。

正結之。則十義類。差別無邊。恐厭繁文。畧示綱要。勿便以此為詳盡也。簡結之。則十于十地。雖實皆修。而隨相增。地地修一。勿謂地地定局于十也。廣

結之則雖十行有無量而皆攝在十到彼岸勿謂此十攝法有不盡也。已上二釋十行竟。

○三釋十障二 初正明十障二攝屬二障

○初正明十障十 初異生障至十未得障

○初異生障五 初通大小明斷二簡二道起別

三明初地所斷四簡異小所斷五明亦斷俱生

○初通大小明斷

十重障者。一異生性障。謂二障中分別起者。依彼種立異生性故。二乘見道現在前時。唯斷一種。名得聖性。菩薩見道現在前時。具斷二種。名得聖性。二真見

道現在前時。彼二障種必不成就。猶明與暗定不俱生。如秤兩頭低昂時等。諸相違法理。必應然。是故二性無俱成失。

初釋異生性障所由立。二顯大小乘斷之不同。三以法喻貼合。明必斷分別。簡俱生種。簡現行。謂異生性障。不依二障俱生現立。俱生種立。分別現立。而依二障分別種子立也。斷一種者。二乘見道。唯斷分別我執。種現之一種。斷二種者。菩薩見道。具斷我法分別。種現之二種也。無俱成失者。以智起惑亡。時理自然。法喻顯著。若見道而障種成就。如

明暗俱生秤之兩頭。低昂時不等矣。有是理乎。是故惑智二性。無俱成之失。

○二簡二道起別

無間道時已無惑種。何用復起解脫道爲。斷惑證滅。期心別故。爲捨彼品。麤重性故。無間道時雖無惑種。而未捨彼無堪任性。爲捨此故。起解脫道。及證此品。擇滅無爲。

簡道起別。見解脫之不容已也。問謂道起正爲斷惑。設惑尚在。當起解脫。無間起時。已無惑種。復起何用。不知斷惑證滅。期心別故。期心別者。無間期

于斷惑。解脫期于證理。所期之心既別。解脫何容不起。無間道時。雖無惑種之重。而未捨彼惑種。無堪任之輕。爲捨此故。及證此品。擇滅無爲之理。何容不起。是則解脫。豈獨爲證理起。亦爲捨惑而起也。汝問何用。是無用耶。問。一名惑種。一名麤重。一名隨眠。義何所別。答。詳如集論。繁不能引。大約煩惱品所攝名麤重。名隨眠。異熟及餘無記所攝。唯名麤重。不名隨眠。若信等善品所攝種子。不名麤重。亦非隨眠。以此法生時。所依自體。唯有堪能。非不堪能。今解脫斷麤重者。約分別麤重中。有覆無

記是染汙品氣類攝故。對無間所斷種。此輕彼重。此卽無堪任性也。

○三明初地所斷

雖見道生亦斷惡趣諸業果等。而今且說能起煩惱。是根本故。由斯初地說斷二愚。及彼麤重。一執著我法愚。卽是此中異生性障。二惡趣雜染愚。卽是惡趣諸業果等。應知愚品總說爲愚。後准此釋。或彼唯說利鈍障品俱起二愚。彼麤重言。顯彼二種。或二所起無堪任性。如入二定說斷苦根所斷苦根。雖非現種。而名麤重。此亦應然後麤重言。例此應釋。

正明初地所斷。別大小之通斷也。初釋前妨難。二正詳所斷。三別作一解。難云。經說菩薩見道亦斷惡趣諸果。及感惡趣諸業。今但斷異生性障。何耶。釋云。雖見道生亦斷惡趣諸業果等。而今且說能起煩惱。不說所起業果者。以煩惱是業果二種根本。本可攝末。畧不言耳。由斯深密初地說斷二愚。一執著我法愚。卽是此中異生性障。二惡趣雜染愚。卽是此中惡趣諸業果等。然惡趣業果亦名愚者。應知是愚之品類。總說名愚。後九地如犯三業等。皆卽愚品。故云後准此釋。或彼經初地說斷二

愚謂利鈍障相應二無明。利卽五見。鈍卽貪等。及彼麤重者。卽彼二愚種子。或卽彼二愚無堪任性。例之如入第二靜慮。說斷苦根。苦根雖非種現而名麤重。此中麤重名無堪任。其義亦爾。後地地麤重皆例種子無堪任二義而釋。是則彼二愚麤重又可別作一解。雖別一解。義可相融。

○四簡異小所斷

雖初地所斷實通二障。而異生性障。意取所知。說十無明非染汙故。無明卽是十障品。愚二乘亦能斷煩惱障。彼是共故。非此所說。又十無明不染汙者。唯依十地修所斷說。雖此位中亦伏煩惱斷彼麤重而非正意。不斷隨眠。故此不說。

簡異二乘所斷。正顯大乘所斷也。初約意取簡斷。二約唯依簡斷。意取者。謂初地見所斷惑。雖實通煩惱所知二障。意則唯取所知爲正。何則。證之于經說十地斷十障品。卽是無明。非言煩惱染汙性故。所以不言者。以二乘亦能斷煩惱障。是與共故。非此菩薩斷障中說。故畧不取也。唯依者。又十無明不染汙者。唯依十地修所斷說。非謂見道所斷亦名不染汙故。然此修位。亦伏煩惱及彼麤重。云

不說者。以此位雖亦伏煩惱。斷彼麤重而非正意。正意地上。唯在直趣菩提。斷所知故。而俱生煩惱。隨眠。留之助生。至金剛喻定方斷。以此二義。故畧而不言耳。又麤重卽無堪任性。是則意取已異于二乘。唯依又異于見道。簡別何可以不明也。

○五明亦斷俱生

理實初地修道位中亦斷俱生所知一分。然今且說最初斷者。後九地斷。准此應知。住滿地中時。旣淹久。理應進斷所應斷障。不爾。三時道應無別。故說菩薩得現觀已。復于十地修道位中。唯修永滅所知障道。

留煩惱障。助願受生。非如二乘速趣圓寂。故修道位不斷煩惱。將成佛時方頓斷故。

明初地亦斷俱生。顯地地皆有進斷也。初正明進斷。二引證進斷。問。上言十無明。依十地修所斷說。是初地有斷俱生一分義矣。何前但云斷分別起異生性耶。故云理實初地修道位中亦斷俱生所知一分。地地皆然。良以諸地皆有三心。初名無間斷。本地惑中名解脫。證本地理。後名勝進。斷次地惑。能斷次地者。以初中之後滿心時。旣淹久。理應進斷。所應斷障。不爾。三時道應無別。旣後道別于

初中應知必斷俱生一分也。故說菩薩初地得現觀已。復于十地修道位中。唯修永滅所知障道。留煩惱障。助願受生。非如二乘速趣圓寂。故修道位不斷煩惱。將成佛時。方頓斷故。是則俱生所知一分。斷于初地。而地地之進斷可准。既有證成實理。愈顯矣。

○二邪行障

二邪行障。謂所知障中俱生一分。及彼所起悞犯三業。彼障二地極淨尸羅。入二地時。便能永斷。由斯二地說斷二愚。及彼籠重。一微細悞犯愚。即是此中俱生一分。二種種業趣愚。卽彼所起悞犯三業。或唯起業不了業愚。

所知簡煩惱。俱生簡分別。一分簡全體。下做此。及彼所起悞犯三業者。彼卽能起。指所知。以續生煩惱。與所知相通。故能起也。此業及一分。是釋邪行障。二地極淨尸羅。是釋邪行障。二地。入二地。能永斷。出斷時。二愚。謂現行。籠重。謂種子。及無堪任。或唯起業不了愚者。重釋悞犯三業之所以爲愚也。若瑜伽卽邪行更多。如云。當知畧說。後後引發有八種相。一者能退智邪行。退故妄念邪行。妄故壞

百法邪行。壞故惡意現邪行。惡故難調。伏邪行。難調。故行非道邪行。行非故不善。良邪行不賢。故不如意邪行。

○三闇鈍障

三闇鈍障。謂所知障中俱生一分。令所聞思修法忘失。彼障三地勝定總持。及彼所發殊勝三慧。入三地時。便能永斷。由斯三地說斷二愚。及彼麓重。一欲貪愚。卽是此中能障勝定及修慧者。彼昔多與欲貪俱。故名欲貪愚。今得勝定及修所成。彼既永斷。欲貪隨伏。此無始來依彼轉。故二圓滿聞持陀羅尼愚。卽是

此中能障總持聞思慧者。

總釋之。所知障中俱生一分。指障法也。能令三慧忘失。釋闇鈍也。彼障三地勝定總持。指所障地法也。及彼所發殊勝三慧者。謂及障彼勝定所發修慧。總持所發聞思慧也。入三地便能永斷者。出斷障時也。別釋之。一欲貪愚。卽是此中能障勝定及修慧者。然上標所知。此云欲貪。以彼所知者。多與欲貪俱。此貪多住散亂。障定與修慧。故名欲貪愚耳。今得勝定及修所成慧。彼障既永斷。欲貪隨伏。此貪無始依彼障轉。故障盡。彼亦忘也。二圓滿聞

持陀羅尼愚卽此中能障總持聞思慧者。大鈔云。此持通四謂法義咒持及能得忍持。今云聞思者。以聞思與彼聞持極相近故。是以偏言問欲貪者。爲貪煩惱。爲欲界貪。曰。謂欲界貪亦卽貪煩惱。菩薩住發光地時。自初禪至上定說斷二愚。入初禪時。離五欲。斷十惡。除五蓋。卽斷欲界貪矣。問。聞思修慧分別云何。曰。不獨願聞于法。且心生喜好。且常時愛味樂法。是名聞慧。故曰聞法喜法樂法也。不獨依大乘教。自見正取不忘。且隨自讀誦。且爲他解說。且順所聞法靜處深思其義。是通聞思。故

曰依法隨法解法順法也。從此而依定修行。到于究竟。住出世間智。順佛解脫之行。是名修慧。故曰到法住法行法也。詳具大經畧取義釋。令易曉耳。

○四煩惱障二 初正釋二簡釋

○初正釋

四微細煩惱現行障。謂所知障中俱生一分。第六識俱身見等攝。最下品故。不作意緣故。遠隨現行故。說名微細。彼障四地菩提分法。入四地時。便能永斷。彼昔多與第六識中任運而生。執我見等同體起。故說煩惱名。今四地中。旣得無漏菩提分法。彼便永滅。此

我見等亦永不行初二三地行施戒修相同世間四地修得菩提分法方名出世故能永害此身見等

初正釋障名次詳釋斷障正釋障名者括之具三義名微細蔽四地菩提分法名障彼昔多與第六識中任運而生執我見等同體起故名煩惱故曰微細煩惱現行障詳之所知障中俱生一分指障法也第六識俱身見等攝簡所攝也以第七俱者愈微細非四地所斷之惑也最下品故簡非中上一二品以第六識中分別身見名上品唯是不善獨頭貪等名中品通善不善此唯有覆無記故名下

品一也不作意緣任運而起二也遠隨現行無始隨逐于身三也具此三義望前地立微細之名耳障四地等者以有身見不能觀身為不淨等故然上言所知障中俱生一分今云煩惱者以所知昔多與煩惱障同一體起名煩惱耳詳釋斷障者四地中既得菩提分法彼所知障即便永滅此我見等亦永不行然初二三地不能害此見者以彼行施戒修相同世間故四地修得菩提分法方名出世故能永害此身見等也

○二簡釋

寧如此與第六識俱。第七識俱執我見等。與無漏道性相違故。八地以去方永不行。七地已來猶得現起。與餘煩惱爲依持故。此麤彼細。伏有前後故。此但與第六相應。身見等言。亦攝無始所知障攝。定愛法愛。彼定法愛。三地尚增入。四地時方能永斷。菩提分法特違彼故。由斯四地說斷二愚及彼麤重。一等至愛愚。卽是此中定愛俱者。二法愛愚。卽是此中法愛俱者。所知障攝二愚斷故。煩惱二愛亦永不行。

簡釋者。簡非七識所俱身見。釋四地所斷之二愚也。初徵問。次簡異。三釋愚問。寧知此與第六識俱。

意謂六七皆有俱生身見。則此身見與第七俱亦未可知。答。則簡非第七之故。簡是第六之故也。非第七者。第七識俱執我見等。與無漏道性相違故。八地已去。方永不行。豈似此身見。四地卽得永不行耶。七地已來。猶得現起。與餘愛見慢煩惱爲依持故。豈似此身見。四地卽得不現起耶。此六識俱身見。麤故。伏在于前。彼七識俱身見。細故。伏在于後。故知此身見不與七識相應。但與六識相應耳。耽玩于諸禪三昧。曰定愛。耽玩于聞思修法。曰法愛。此愛本是煩惱。以與二愚俱起故。身見而曰等。

者。則亦攝無始所知障攝定愛法愛。彼定愛法愛。三地尚增。入四地時。方能永斷。以菩提分法特違彼故。由此四地說斷二愚。及彼籠重。謂種子無堪任性。二愚者。一等至愛愚。卽此中定愛俱者。二法愛愚。卽此中法愛俱者。所知障攝二愚斷故。煩惱二愛亦永不行。故總名微細煩惱現行障。

○五涅槃障

五于下乘般涅槃障。謂所知障中俱生一分。令厭生死樂趣涅槃。同下二乘厭苦欣滅。彼障五地無差別道。入五地時便能永斷。由斯五地說斷二愚及彼籠

重。一純作意背生死愚。卽是此中厭生死者。二純作意向涅槃愚。卽是此中樂涅槃者。

下對上言。卽二乘也。般涅槃是寂滅。而云障者。以五地真俗相應。此地真如名類無別。今以四地住出世心。厭生死苦。樂趣涅槃。義同小乘欣厭未忘。取捨角立。能礙真俗並觀。是故成障。由斯五地等。釋斷二愚。

○六籠相障

六籠相現行障。謂所知障中俱生一分。執有染淨籠相現行。彼障六地無染淨道。入六地時。便能永斷。由

斷六地說斷二愚。及彼麓重。一現觀察行流轉愚。卽是此中執有染者。諸行流轉染分攝故。二相多現行愚。卽是此中執有淨者。取淨相故。相觀多行。未能多時住無相觀。

現行簡非種子。曰麓相者。對六地無染淨言。染淨礙無染淨曰障。故入六地便能永斷。良以無明緣行。乃至生緣老死是染。無明滅故行滅。乃至生滅。故老死滅是淨。六地最勝般若現前。都無所得。則證無染淨真如。彼染淨將安在哉。故曰永斷流轉。還滅不無。執之者住染淨耳。

○七細相障

七細相現行障。謂所知障中俱生一分。執有生滅細相現行。彼障七地妙無相道。入七地時。便能永斷。由斯七地說斷二愚及彼麓重。一細相現行愚。卽是此中執有生者。猶取流轉細生相故。二純作意求無相愚。卽是此中執有滅者。尚取還滅細滅相故。純于無相作意勤求。未能空中起有勝行。

現簡種子。細對前言。前執染淨故麓。今無染淨。尚取生滅故細。曰障者。以礙七地妙無相道。生滅雙忘故。是以入七地時。此障能斷。總之是執有生滅。

細相現行障。分之。細相現行愚。是執有生。猶取流轉。細生相故。純作意求無相愚。是執有滅。取還滅。細滅相故。問。六地斷染無流轉之生。斷淨無還滅之滅。云有此障者何也。曰。無染淨處。正落此障。以彼麤此細。深進始得現耳。純于無相作意勤求者。但念空無相無作也。未能空中起有勝行者。于諸菩薩淨佛國土。遊戲神通。尚未具行。不能于無相空中。巧施方便。有爲之事也。如大經云。菩薩具足六地已。欲入第七遠行地。當修十種方便。慧起殊勝道。何等爲十。所謂雖善修空無相無願三昧。而

慈悲不捨衆生。雖得諸佛平等。而樂常供養佛。雖入觀空智門。而勤集福。雖遠離三界。而莊嚴三界。雖畢竟滅煩惱。而能爲一切衆生起滅貪瞋癡煩惱。雖知諸法如幻夢影響等。自性無二。而隨心作業無量差別。雖知一切國土猶如虛空。而能以清淨妙行莊嚴佛土。雖知諸佛法身本性無身。而以相好莊嚴其身。雖知諸佛音聲性空寂滅。不可言說。而能隨一切衆生出種種差別音聲。雖隨諸佛了三世。唯是一念。而隨衆生意解分別。以種種相種種時。種種劫數。而修諸行。菩薩以如是十

種方便慧起殊勝行。從第六地入第七地。此菩薩于十波羅蜜。于念念中皆得具足。皆悉圓滿。由是觀之。則妙無相道。卽空中勝行也。故具錄經文。以便觀覽耳。

○八加行障

八無相中作加行障。謂所知障中俱生一分。令無相觀不任運起。前之五地有相觀多。無相觀少。于第六地有相觀少。無相觀多。第七地中純無相觀。雖恒相續。而有加行。由無相中有加行故。未能任運現相。及上。如是加行障。八地中無功用道故。若得入第八地

時。便能永斷。彼永斷故。得二自在。由斯八地說斷二愚。及彼籠重。一于無相作功用愚。二于相中不自在愚。今于相中不自在故。此亦攝土相一分故。八地以上純無漏道。任運起故。三界煩惱永不現行。第七識中細所知障。猶可現起。生空智果不違彼故。

初正明加行爲障。二約位所斷二愚。三道障止滅有辨。無相中作加行障。加行障無功用道之無相也。何謂障體。謂所知障中俱生一分。以護法謂七地無相中有加行智體。非是障。以善住故。只由所斷障。今作加行。乃說爲加行障故也。云何障耶。今

無相觀不任運起。是名障耳。詳釋之前五地有相觀少。第六無相觀多。第七純無相觀。雖恒相續而有加行。由無相中有加行故。後得智中未能任運現身及土。如是加行。皆七地中能障八地無功用道任運而現。故名無相加行障也。以故若得入第八地時。便能永斷。得二自在。由斯八地說斷二愚。及彼籠重。一于無相作功用愚。令能現不自在。二于相中不自在愚。今于所現身及器界之相不自在。今既永斷。二俱自在。然以道論八地已上。純無漏道。任運起故。三界煩惱永不現行。以障論則第

七識中細所知障。猶可現起。以所得生空智果。不違彼故。是以起也。

○九利他障

九利他中不欲行障。謂所知障中俱生一分。今于利樂有情事中不欲勤行。樂修已利。彼障九地四無礙解。入九地時。便能永斷。由斯九地說斷二愚。及彼籠重。一于無量所說法。無量名句字。後後慧辯陀羅尼自在愚。于無量所說法。陀羅尼自在者。謂義無礙解。卽于所詮總持自在。于一義中現一切義故。于無量名句字。陀羅尼自在者。謂法無礙解。卽于能詮總持

自在。于一名句字中現一切名句字故。于後後慧辯陀羅尼自在者。謂詞無礙解。卽于言音展轉訓釋。總持自在。于一音聲中現一切音聲故。二辯才自在。愚能辯才自在者。謂辯無礙解。善達機宜。巧爲說故。愚能障此四種自在。皆是此中第九障攝。

初正釋障。次明斷時。三釋二愚。利他不欲行障。以何爲體。謂所知障中俱生一分也。何以爲障。以令于利樂有情事中。不欲勤行。樂修已利。彼障九地。四無礙解。故名爲障耳。如經云。第八不動地菩薩。入無生忍。三際平等寂滅。現前若諸佛不與菩薩。

無量起智門者。彼時卽入究竟涅槃。棄捨一切利衆生事是也。入九地時。便能永斷。由斯九地說斷二愚。及彼籠重。二愚者。一于無量所說法。無量名句字。後後慧辯陀羅尼自在。愚。二辯才自在。愚。于無量所說法。陀羅尼自在者。謂義無礙解。義卽所詮義理。無礙卽于所詮總持自在。于一義中現一切義。故曰義無礙解。于無量名句字。陀羅尼自在者。謂法無礙解。法卽能詮。名句無礙。卽于能詮總持自在。于一名句字中。現一切名句字。故曰法無礙解。于後後慧辯陀羅尼自在者。謂詞無礙解。詞

卽言音展轉訓釋無礙卽于言音展轉訓釋總持自在。于一音聲中現一切音聲。故曰詞無礙解也。二辯才自在愚者。謂辯無礙解。以善達機宜。巧爲說故。亦名樂說無礙。上三皆以能持立名。此以能說立名。卽說上三耳。愚能障此四種自在者。正顯愚用也。皆是此中第九障攝者。見第九所攝之寬嚴分際也。

○十未得障二 初正明二所餘

○初正明

十于諸法中未得自在障。謂所知障中俱生一分。令

于諸法不得自在。彼障十地大法智雲。及所含藏所起事業。入十地時。便能永斷。由斯十地說斷二愚及彼麤重。一大神通愚。卽是此中障所起事業者。二悟入微細秘密愚。卽是此中障大法智雲及所含藏者。初正釋此障。次釋斷二愚。諸法未得自在障。其體謂所知障中俱生一分。令于諸法不得自在。彼障十地大法智雲。及所含藏所起事業。故名障也。入十地時。便能永斷。由斯十地說斷二愚。及彼麤重。二愚者。一大神通愚。卽是此中障所起事業。事業者。如華嚴云。佛子。此菩薩智慧明達神通自在。隨

其心念能以狹世界作廣世界。廣世界作狹世界。乃至隨其心念。于一毛孔示現一切佛境莊嚴之事。是也。二悟入微細秘密愚。即是此中障大法智及所含藏者。大法智雲。謂能含之智。所含藏者。謂力無畏等諸功德。悟入者。如華嚴云。此菩薩卽如實知諸佛如來入微細智。所謂修行微細智。命終微細智。受生微細智。出家現神通。成正覺轉法輪。住壽命般涅槃。教法住微細智。如是等皆如實知。又入如來秘密處。所謂身秘密。語秘密。心秘密。時秘密。思量秘密。乃至得菩提行秘密是也。

○二所餘

此地于法雖得自在。而有餘障未名最極。謂有俱生微所知障。及有任運煩惱障種。金剛喻定現在前時。彼皆頓斷。入如來地。由斯佛地說斷二愚。及彼麗重。一于一切所知境極微細著愚。即是此中微所知障。二極微細礙愚。卽是此中一切任運煩惱障種。故集論說得菩提時。頓斷煩惱及所知障。成阿羅漢。及成如來。證大涅槃。大菩提故。

初結前明障。次釋斷二愚。三引論證成。此地于法雖得自在。結前也。而有餘障未名最極。餘障者。俱

生微所知障。及有任運煩惱障種。由此觀之。此中
不立十一地位。應知卽是十地滿心後。名等覺也。
金剛喻定。現在前時。彼皆頓斷。入如來地。由斯佛
地說斷二愚等者。卽佛地初心無間道也。引集論
證成。而以成羅漢。及成如來。頓斷煩惱。及所知障
者。此有二義。一斷煩惱。成羅漢。斷二障。成如來。二
佛亦名羅漢。故大涅槃無住涅槃也。大菩提圓滿
覺也。問。等妙二覺。何辨。曰。等覺。雖能修行功德。海
滿。由未能捨三法。不名妙覺。一未捨劣。無漏法。二
未捨白淨無記法。三未捨有漏善法。至妙覺已。方

捨此三。

紹興府山陰縣常禧車水坊居住奉
佛信官張汝懋男景華男婦董大慈喜捨
淨貲一十二兩敬刻此
唯識訂正第九卷專祈智壽智長聰明睿
智福壽綿長簪纓繼武吉祥如意者
崇禎四年歲次辛未佛誕日謹識

贊預

成唯識論訂正卷第九終

姑蘇信女張門
李氏大緣助板

筆試丁巳



國家圖書館, NATIONAL CENTRAL LIBRARY, TAIWAN, R.O.C.

史記卷一百一十五
留侯世家

一百四

成唯識論訂正卷第十

古杭雲棲寺弟子廣伸述



○二攝屬二障。初明所攝二顯斷位。

○初明所攝

此十一障。二障所攝

前標十障。今舉十一。以十地斷障後。復有著礙二
愚。名有餘障。故云十一。如深密謂善男子。此諸地
中有二十二種愚癡。十一種麤重是也。瑜伽亦云。
永斷最極微細煩惱及所知障。無著無礙等二障
所攝。今云二障所攝者。煩惱所知二障。攝前十一

國家圖書館, NATIONAL CENTRAL LIBRARY, TAIWAN, R.O.C.



障也。又含異生在分別攝。餘俱生攝。必攝屬者。博反約故。有綱領故。

○二顯斷位三。初通釋諸位斷義。二別彰三位斷義。三詳種頓漸斷義。

○初通釋諸位斷義

煩惱障中見所斷種。於極喜地見道初斷。彼障現起。地前已伏。修所斷種。金剛喻定現在前時。一切頓斷。彼障現起。地前漸伏。初地已上能頓伏盡。令永不。如阿羅漢。由故意力。前七地中雖暫現起。而不為失。八地已上。畢竟不行。所知障中見所斷種。於極喜地

見道初斷。彼障現起。地前已伏。修所斷種。於十地中漸次斷滅。金剛喻定現在前時。方永斷盡。彼障現起。地前漸伏。乃至十地方永斷盡。八地以上六識俱者。不復現行。無漏觀心及果相續。能違彼故。第七俱者。猶可現行。法空智果起位。方伏。前五轉識。設未轉依。無漏伏故。障不現起。

初釋煩惱斷位。次釋所知斷位。煩惱中自又兩節。謂始至地前漸伏。釋煩惱見修所斷種現之位。次至畢竟不行。是通妨難。應有問云。既如羅漢。令永不。如何前四地猶起。我見七地已前。猶起貪瞋。